



Inatsisartuni ilaasortaq, Nikkulaat Jeremiassen, Siumut

Nivaap Ikerasaa pillugu § 37 naapertorlugu apeqquteqaat 2017-243-mut akissut

09-11-2017
Sags nr.: 2017 - 24537
Dok. nr. 24949232

Asasara Nikkulaat

Nivaap Ikerasaa pillugu Inatsisartut suleriaasianni § 37 naapertorlugu apeqquteqaatinnut, 27. oktober 2017-imi ullulernerqartumut qujanaq.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut:

Aasiaat kangiani Nivaap ikerasaa sumiissusersiut naapertorlugu; Avannarpasissuseq 68 37' 1; Kippasissuseq 52 25' 2 tininnganerani aamma angallaviusinnaangortillugu itisilernerqassaguni Namminersorlutik Oqartussanut, kommuninut innuttaasunullu aningaasatigut allaffissornikkullu kingunissai suuppat, qanorlu annertutigippat?

Akissut:

Imaatigut angallanneq isumannaannerulersinniarlugu ikerasalianik assaanissaq qaartiterinissarluk Naalakkersuisunit ukkatarineqarpoq. Tamatumani assersuutigalugu naalakkersuisooqatigiinnissamat isumaqatigiisummi tullerriaakkat allassimasut tunngavigineqarput.

2017-imi upernaakkut ataatsimiinnermi imm. 51-ip suliarineqarneranut atatillugu Inatsisartut imaattumik aalajangiipput:

"Naalakkersuisut Kalaallit Nunaanni ikerasalianik, imarsiortunut atorneqartussanik pisariaqartitsineq pillugu nassuiaammik saqqummiusseqqullugit peqquneqarnissaannik Inatsisartuni aalajangiiffigisassatut siunnersuut. Nassuiaat kommunit suleqatigalugit suliarineqassaaq, tassanilu najukkani pisariaqartitat, piffissamat avatangiisinut sunniutissanik naliliinernik suliaqarnissamat atugassamat missingiutit imaluunniit avatangiisinut pinngortitamullu sunniutissanik allanik misissueqqissaarnerit, kiisalu aningaasaqarnermut missingersuutit piffissamullu pilersaarutit tamarmiusut nassuiaasiorneqassapput. Nassuiaat 2018-imi Inatsisartut upernaakkut ataatsimiinneranni agguassinissaq siunertaralugu suliarineqassaaq."

Ilisimatitsissutigisinnaavara, Naalakkersuisut paasissutissanik Nivaap ikerasaata itisilernerqarnissaanut aningaasartuutissanut paasissutissiiviusinnaasunik peqanngimmata, kisiannili nuannaarutigaa oqaatigisinnaagakku Nivaap Ikerasaata itisilernerqarnissaanut apeqqut nassuiaammut ilaatinneqartussaammat.

Inussiarnersumik inuulluaqqsillunga

Erik Jensen